

ADMINISTRACIÓ LOCAL

CONSELL GENERAL D'ARAN

EDICTE pel qual es fa pública l'aprovació definitiva del Reglament de gestió sostenible del foc.

El Ple del Conselh Generau d'Aran, en sessió ordinària de 22 de febrer de 2023, va aprovar inicialment el Reglament per a regular la gestió sostenible del foc en terreny forestal e interfase urbana al territori de l'Aran, el qual es va exposar al públic durant un termini de trenta (30) dies hàbils, al BOP de Lleida núm. 47, de 8 de març de 2023, al tauler d'anuncis d'aquesta Corporació, a l'efecte que les persones interessades poguessin examinar-lo i presentar possibles reclamacions i/o al·legacions.

Transcorregut el termini d'informació pública sense que s'hagin presentat reclamacions ni al·legacions es publica el text íntegre del reglament, entrant en vigor un cop transcorreguts quinze (15) dies a comptar del dia següent de la seva publicació al BOP de Lleida, d'acord amb allò previst als articles 65.2 i 70.2 de la Llei 7/85, de 2 d'abril, Reguladora de les Bases del Règim Local.

"REGLAMENT ENTARA GESTION SOSTENIBLA DETH HUEC EN TERREN FORESTAU E SÒU NON URBANIZABLE, E ENTATH SÒN EMPLEC ENES AIRAUS DE LÉSER ENA VAL D'ARAN

Indèx sistematic

Preambul

Capítol 1

Disposicions generaus e definicions

Article 1. Objècte deth reglament

Article 2. Eth Plan Estrategic de gestion sostenibla deth regim deth huec ena Val d'Aran" (Plan Estrategic)

Article 3. Definicions

Capítol 2

Periòdes de risc, excepcions, nòrmes generaus d'execucion e modalitats de cremada

Article 4. Periòdes de risc e restriccions de hèr huec

Article 5. Regim d'excepcions

Article 6. Nòrmes generaus d'execucion d'ua cremada

Article 7. Modalitats de cremada

Capítol 3

Nivèus 1 e 2: Huecs de dimensions redusides e mejanes

Article 8. Autorizacions, contròtle e vigilància

Capítol 4

Nivèu 3. Cremades prescrites (cremades controlades)

Article 9. Procediment cremades prescrites (crèmes controlades) en sectors non afectadi peth Plan Estrategic.

Capítol 5

Nivèu 4 Cremades prescrites (cremades controlades)

Es sectors afectadi peth Plan Estrategic.

Article 10. Procediment cremades prescrites (cremades controlades) es sectors afectadi peth Plan Estrategic.

Capítol 6

Nivèu 5. Emplec deth huec tecnic en incendis de vegetacion

Article 11. Comandament en un incendi

Article 12. Emplec deth huec en casi d'incendi de vegetacion

Article 13. Incendi de vegetacion localizada en un sector afectat peth Plan Estrategic

Capítol 7

Abilitacions, accions de vigilància e competències

Article 14. Manòbres de huec tecnic en cremades prescrites e en incendis

Article 15. Accions en matèria de limitacions e vigilància restacades ara prevencion d'incendis. Mesures extraordinàries.

Article 16. Itinerari formatiu e abilitacions

Article 17. Monitorizacion des resultats e incidències deth Plan Estrategic.

Article 18. Desplegament normatiu

Capítol 8

Emplec deth huec en airaus de léser plaçadi ena Val d'Aran

Article 19. Emplec deth huec enes airaus de léser plaçadi ena Val d'Aran

Capítol 9

Caractèr non indemnizable des cremades prescrites, infraccions, sancions e taxes

Article 20. Caractèr non indemnizable des cremades prescrites

Article 21. Incompliments. Infraccions e sancions

Article 22. Taxes

Disposicion Derogatòria

Disposicion Finau

Annèx 1

Airaus de léser

Preambul

1.- Ei objècte d'aguest Reglament ei regular era gestion sostenibla deth huec en terren forestau e interfase urbana en territòri der Aran. Includís era organizacion des accions de prevencion activa de huecs de vegetacion, era gestion deth huec laguens era planificacion dera emergéncia atau coma er escandiment de huecs de vegetacion, e es mesures restacades ara sua gestion enes airaus de léser, qu'impliquen as ciutadans, e tanben as servicis de miei ambient e d'emergéncias deth Conselh Generau d'Aran.

2.- Era competéncia deth Conselh Generau d'Aran s'exercís en vertut des articles 61 en matèria de proteccion e gestion deth miei ambient, 62 en matèria d'auviatge e recorsi naturaus, qu'includís er establiment des mesures de prevencion e escandiment d'incendis forestaus, e 72 relatiu ara gestion des servicis d'emergéncias e proteccion civila, toti dera Lei 1/2015, deth 5 de hereuèr, deth regim especiau d'Aran.

Aguestes disposicions s'adòpten en desvolopament e d'acòrd damb eth Decrèt 288/1997, de 31 d'octobre, sus era transferéncia de competéncias e servicis dera Generalitat de Catalonha ath Conselh Generau d'Aran en matèria de caça, pesca e profitaments forestaus, e entara regulacion des autorizacions entà alugar huec, e es accions entara prevencion d'incendis forestaus, eth Decrèt 150/1999, d'1 de junh, de transferéncia de servicis e foncions dera Generalitat de Catalonha ath Conselh Generau d'Aran en matèria de restauracion idrologicoforestau, fauna, espacis includidi ath Plan d'espacis d'interès naturau, artesanía alimentària e sus era ampliacion des traspassi de profitaments forestaus, pesca fluviau, circulacion motorizada e prevencion d'incendis forestaus, e eth Decrèt 170/1994, de 14 de junh, a on era Generalitat de Catalonha traspassèc ath Conselh Generau d'Aran es servicis, mejans e recorsi en matèria de sauvaments e escandiment d'incendis.

Existís atau madeish, era Lei 6/1998, de 30 de març, Forestau de Catalonha, eth Decrèt 64/1995, de 7 de març, a on s'establisson es mesures de prevencion d'incendis forestaus (DOGC num. 2022, de 10 de març de 1995), damb era Orde de 21 de junh de 1993, sus cremades controlades enes zònes de nauta montanha (DOGC num. 1780, de 6 d'agost de 1993), damb eth Decrèt 312/2006, de 25 de junhsèga, que se regule era gestion deth huec tecnic per part deth personau des servicis de prevencion e escandiment d'incendis dera Generalitat de Catalonha e damb era Lei 7/2022, de 8 d'en abriu, de residus e sòus contaminants entà ua economia circulara (modificada pera Lei 30/2022 deth 24 de deseme deth 2022).

3.- Era gestion deth huec en Aran ei un ahèr innat e polemic pes implicacions a multiples escales e facetes, a dia d'aué ei ua demanda importanta per part de diuersi sectors qu'utilizen er entorn naturau. Tradicionauments, eth huec s'emplegaue coma estrument de conservacion des pastures (reduccion dera vegetacion lenhosa e de matarrassi), mès enes darrèri ans, bèri d'aguesti huecs an provocat grani incendis, sustot a causa de cambis de paisatge (per continuitat e carga de combustible), e deth cambi climatic (per sequèra qu'a permetut qu'eth huec se propaguèsse damb facilitat). D'auta banda, era omogeneïzacion deth paisatge a causa der abandonament d'activitats primàries favorís era capacitat de propagacion des grani huecs en cas de condicions climatiques advèrses. Es condicions atmosferiques an provocat qu'enes iuèrns suaus damb temperatures nautes, era vegetacion sigue disponibla entà cremar, e en un contèxte de cambi climatic aguest hèt supause un rèpte entàs organizacions d'emergéncias entà non saturar deuant de huecs forestaus extrèms o simultaneus. Atau madeish, eth fòrt pes deth torisme ena Val d'Aran ahig pression as administracions entà evitar er impacte negatiu que supause eth huec tà societats urbanes non acostumades ada eth.

De un aute costat, dat er inici d'un huec non programat, se hè imprescindibla era gestion deth huec coma era intervencion per part des servicis d'emergéncias e miei ambient, destinada ath seguiment dera evolucion der incendi entà minimizar es sues conseqüéncias negatiues e/o potenciar-ne es positives, en tot desplegar manòbres d'estabilizacion e acompanyament deth huec enquia ancoratges definitius enquiar escandiment finau. Era gestion deth huec se fondeja damb era pre-planificacion dera emergéncia, estratègia que permet acordar per consensus e aprovar prèviaments era idea de resolucio finau d'aguesta.

4.- Damb aguest objectiu, eth Conselh Generau d'Aran a aprovat eth "Plan Estrategic de gestion sostenible deth regim deth huec ena Val d'Aran" (a partir d'ara, Plan Estrategic) (DOGC 8699, 30 de junh deth 2022) que

CVE-DOGC-A-23236004-2023

se prevé coma un estrument de besonh tant ena gestion damb huec prescrit, comunament nomentades "cremades controlades", coma ena gestion deth huec més restacat damb era resolucio des emergéncias.

5.- D'acòrd damb çò que s'establís ena nòrma sus es cremades controlades de nauta montanha e ena Lei Forestau de Catalonha, e d'acòrd damb es competéncias traspasades ath Conselh Generau d'Aran, correspon ad aguest era planificacio, coordinacio e execucio des mesures e es accions entara prevencio d'incendis forestaus, atau coma era autorizacio entà hèr huec o cremades, e as Servicis d'Emergéncias (Pompièrs), era gestion deth huec en aqueres zònes dera Val d'Aran planificades en Plan Estrategic e er escandiment d'incendis en Aran.

Era nomentada Lei tanben prevé qu'era administracio forestau pogue vedar temporauments eth pasturatge enes endrets que calgue entà assegurar era regeneracio naturau, e limitar es profitaments pagesi sus terrenes erosionables se s'a produsit degradacio deth sòu o dera cocha vegetau, es nòrmes e proibicions contengudes en aguest Reglament seràn d'aplicacio a toti es terrenes forestaus definidi en article 2 dera Lei 6/1988, de 30 de març, forestau de Catalonha, siguen o non poblada d'espècies arborenes, e era listra de 500 mètres que les entornege.

6.- Era motivacio atau, d'aguesta naua regulacio, a prepausa deth Departament de Miei Ambient e dera Prefectura deth Còs de Pompièrs Aran, ei adaptar as naues situacions e normativa er existent "Reglament entara prevencio d'incendis forestaus e entar usatge des airus de léser ara Val d'Aran" (BOP de Lhèida num. 33, deth 6 de març deth 2007).

Capítol 1

Disposicions generaus e definicions

Article 1. Objècte deth reglament

Aguest Reglament a per objècte regular era gestion deth huec en miei naturau e interfase urbana en territòri der Aran. Includís era organizacio des accions de prevencio activa d'incendis de vegetacio en terrenes forestaus, ena listra de 500 m que les entornege e es sòus non urbanizables, era gestion deth huec laguens era planificacio dera emergéncia atau coma er escandiment d'incendis de vegetacio e era regulacio deth sòn usatge enes airus de léser.

Article 2. Eth Plan Estrategic de gestion sostenible deth regim deth huec ena Val d'Aran" (Plan Estrategic)

2.1. Eth Plan Estrategic (DOGC 8699, 30 de junh deth 2022) ei un programa que permet hèr ua gestion deth regim d'incendi en conjunt entà adaptar-se ath nau scenari d'incendis emergenti deuant eth cambi climatic. Aguesta planificacio a coma objectiu proporcionar ua solucio ara gestion deth huec en Aran mejançant era priorizacio deth ben comun e cercar era conciliacio d'interèssi de toti es actors implicadi (còssi d'emergéncias, servicis de prevencio, pagesi e agricultors, caçaires, proteccion dera natura, torisme, esquí, associacions de vesins, eca.). Preten socializar eth risc d'incendis e crear oportunitats de promòir era resiliéncia des organizacions d'emergéncias (evitar eth collapse e aumentar era capacitat de responsa).

Un aspècte important d'aguest Plan ei er establiment de concèpte de cabau ecologic de huec (CEF) coma era quantitat, eth moment e era qualitat de cabau de huec requerit entà sostier eth ben comun restacat a un sistèma socioecologic concrèt. Damb era implementacio deth CEF es gestors an era oportunitat d'arténher un regim o un patron de peada de huec que manten procèssi essenciaus ena auto-organizacio e era resiliéncia der ecosistèma forestau, e parallèlaments, redusir era vulnerabilitat ath collapse deth sistèma socioecologic.

2.2. Eth Plan se materialize mejançant era creacio de sectors de gestion a on se prevé era vegetacio que se cremarà en periòde considerat (CEF). Laguens d'aguesti sectors de gestion, s'establís qu'era vegetacio se pòt cremar ben en ua cremada prescrita o en un incendi gestionat.

Cada sector de gestion prepausat dispòse d'ua ficha operativa a on se concrète eth paramètre de CEF a trauès de variables coma era capacitat, era poténcia, eth comportament, era estacionalitat, era recurréncia e es hièstres marcs d'accion. Tanben preidentifique aspèctes claus a nivèu operatiu com son es èishi de

CVE-DOGC-A-23236004-2023

confinament, es vulnerabilitats, e es elements a considerar entara presa de decisions pendent era sua implementacion.

<https://tauler.Sòn.cat/pagDetall.Don?idEdicte=354679&idens=8103980001>

Article 3. Definicions

As efèctes d'aguest reglament s'enten per:

- Cabau ecologic de huec (CEF): Era quantitat e qualitat de cabau de huec requerit entà sostier eth ben comun restacat a un sistèma socioecologic concret.

- Cremada prescrita o controlada: s'enten per cremada prescrita aquera combustion controlada de vegetau realizada jos ues condicions meteorologiques, de combustible e topografiques fixades, damb era intencion d'arténher un objectiu determinat, coma era reduccion deth combustible coma usatge preventiu d'incendis forestaus, facilitar era regeneracion d'ua cèrta espècia vegetau o eth pasturatge.

- Director deth Plan de cremada de gestion: era persona membre deth Còs de Pompièrs d'Aran que dirigís era execucion d'un Plan de cremada de gestion prèviaments aprovada.

- Huec tecnic: ignicion controlada, dirigida e realizada pes persones membres des servicis de prevencion e escandiment d'incendis abilitadi, en basa a ues condicions meteorologiques definides e ua analisi de comportament d'incendi preestablit. Es tipas de huec tecnic son:

- Contrahuecs: Manòbra d'escandiment que se realize damb huec tecnic damb era fin d'eliminar e/o desplaçar er oxigèn, verticalizar ua columna e arténher qu'es fòcus segondaris quèiguen ena zòna cremada en tot arturar er auanç deth front principau der incendi.

- Cremades d'aishamplament: manòbra d'escandiment que se realize damb huec tecnic entà eliminar eth combustible forestau en un airau potenciau d'èster cremat de forma descontrolada per auanç d'un incendi de vegetacion.

- Cremada de gestion de combustible vegetau: combustion controlada de matèria vegetau dirigida per personau especializat e abiletat damb era fin d'arténher que, en cas que se declare un incendi, eth sòn comportament sigue laguens dera capacitat d'escandiment des servicis de prevencion e escandiment d'incendis.

- Huecs de dimensions mejanes: son aqueri huecs per ua pila de materiau vegetau mòrt (rèstes vegetaus), rastolhs... Totes aqueres qu'an ua continuïtat en tot hèr un volum d'entre 6 e 100 m³ (6x6x3 m) e que se tròben dehòra deth solèr urban, es urbanizacions, bòrdes e cabanes. Non se preven en aguest tipe de huec es cremades prescrites.

- Huecs de petites dimensions: son aqueri huecs de dimensions redusides, formades per piles de materiau vegetau mòrt (rèstes vegetaus), rastolhs... Sense continuïtat entre eres e isolades, d'un volum aproximatiu de 6m³ (3x2x1 m), dehòra de sòu urban, urbanizacions, bòrdes e cabanes.

- Interfasa Urbana: Airau o zòna a on es estructures e d'auti bastiments umans se combinen damb terrens forestaus non modificadi o combustible d'origina forestau.

- Plan de cremada de gestion: projècte tecnic a on s'arrecuelhen es condicions d'execucion dera cremada de gestion entà arténher es objectius fixadi ath Plan.

- Sòus non urbanizables (SNU), es sòus que maugrat non èster laguens deth classament de terren forestau, entornegen es nuclèus de poblacion e pòden èster un perill potenciau tara seguretat d'aguesti (art 32 deth Tèxte rehèt dera Lei d'Urbanisme).

- Terrens classificadi coma forestaus: es terrens definidi en Article 2 dera Lei Forestau 6/1988, a on les definís com:

a) Es sòus rustics pobladi d'espècies arberenques o arbustives, de matarrassi e d'èrbes.

b) Es èrms plaçadi enes limits des bòsqui que siguen de besonh entara proteccion d'aguesti.

c) Es èrms que, pes sues caracteristiques, siguen adaptadi entara aforestacion o era reforestacion.

Se considèren tanben coma terrens forestaus es prats de regeneracion naturau, es hanhassi, es rasi pobladi anterioraments e transformadi sense era autorizacion corresponenta e es pistes e camins forestaus.

CVE-DOGC-A-23236004-2023

Se considèren coma terrenes forestaus temporaus, damb ua durada minima deth torn dera espècia, es terrenes agrícoles que circumstanciaument son objècte d'explotacion forestau damb espècies de creishement rapid.

- Titular deth terren: persona fisica o juridica que dispòse d'un dret de propietat sus un terren.

Capítol 2

Periòdes de risc, excepcions, nòrmes generaus d'execucion e modalitats de cremada.

Article 4. Periòdes de risc e restriccions de hèr huec.

Segons era climatologia e es masses forestaus dera Val d'Aran e d'acòrd damb aquerò que dispòse eth Decrèt 64/1995, de 7 de març, qu'establís es mesures de prevencion d'incendis forestaus, se determinen es següentes nòrmes especificas, per çò qu'ei der usatge deth huec en terrenes forestaus, ena llista de 500 m que les entornege e sòus non urbanizables:

4.1. Se concrèten tres periòdes en foncion deth perill potenciau d'incendi forestau:

- Baish: deth dia 1 de març enquiath dia 31 de mai.

- Mejan: deth dia 1 de junh enquiath dia 30 de noveme.

- Naut: deth dia 1 de deseme enquiath dia 28 de hereuèr. Periòde de perill mès naut entà alugar huec pendent eth quau cau extremar es precaucions.

4.2. Damb caractèr generau, e damb independéncia des periòdes anteriorament descriti, cau tier en compte que:

a) Enes terrenes forestaus, siguen o non pobladi d'arbes, non s'i pòt alugar huec entà cap tipe d'activitat, sigue quina sigue era sua fin. Ath delà, non s'i pòden cremar rastolhs, marges e rèstes de profitaments forestaus, agrícoles o de jardineria. Tanpòc s'i pòt hèr huec de léser dehòra des airaus de léser der Annèx 1, ne derivada d'activitats restacades damb era apicultura. Atau que demore totauments proïbit hèr huec de camp; lançar objèctes alugadi; materiau pirotecnic, vuedar lordères e rèstes vegetaus e industriaus de quinsevolh manèra que sigue que poguen èster era causa der inici d'un huec.

b) Laguens des airaus de léser e enes parçèles de bòrdes, cabanes e des urbanizacions o sòu urban, cada viatge que s'utilizen fornèus de gas e barbacoas d'òbra damb amòrtabues, ei excludida era proïbicion de hèr huec.

Maugrat açò, es persones o administracions locals que les calgue hèr huec en terrenes forestaus, sòu non urbanizable, public o privat dera Val d'Aran, pòden realizar trabalhs de prevencion activa damb era utilizacion de huec en foncion deth tipe e dimension d'aguest e damb es autorizacions e nòrmes generaus d'execucion descrites en aguest reglament.

Article 5. Regim d'excepcions

S'establís un regim excepcionau d'aguestes proïbicions de hèr huec, en:

a) Romiuatges, Hèstes majors, Hèstes de Sant Joan e Hèstes deth Huec: tostemp damb autorizacion exprèssa der Ajuntament corresponent laguens er encastre des sues competéncias, qu'adoptarà, aumens es mesures d'execucion contemplada en art. 6 d'aguest Reglament.

b) Huecs en sòu urban: calerà autorizacion der Ajuntament corresponent laguens er encastre des sues competéncias, qu'adoptarà aumens es mesures d'execucion previstes en art. 6 d'aguest Reglament, e incluirà un plan de proteccion damb es mesures qu'adoptarà era persona sollicitaira.

c) Airaus de léser deth Conselh Generau d'Aran e/o municipaus: non ei preceptiva era autorizacion entar usatge des airaus que se restaquen en Annèxa 1, e se regulen pera sua nòrma.

Atau madeish se comunicarà quinsevolh autorizacion autrejada que sigue as Agents de Miei Ambient deth Conselh Generau d'Aran e ara Sala de Contròle d'Aran deth Còs de Pompièrs d'Aran (d'ara enlà, SCARAN).

Article 6.- Nòrmes generals d'execució d'ua cremada

Entà quinsevolh tipe que sigue de cremada e huec, ja siguen de diferents dimensions, es hèstes, romiatges... s'auràn de seguir es següents nòrmes:

- Non se pot cremar ua auta vegetacion qu'era autorizada o declarada.
- Abans dera execució de quinsevolh tipe que sigue de cremada o huec s'auràn hèt es treballs preparatòris e preventius establidi ena autorizacion particulara o es generals o específics continguts en aquest Reglament.
- Se procedirà a amortar es cremades o huecs que se realizen en zònes apròp de carreteres quan eth vent amie eth hum tad aquíu, e mete en perill era seguretat viària.
- Pendent era cremada an de demorar en lòc, aumens, eth nombre de persones que s'age indicat ena autorizacion, en tot controlar eth huec, sense poder abandonar-lo enquia que sigue totauments amortat. Aquestes persones an de disposar d'equipament e estruments boni entà controlar e/o extinguir eth huec.
- Es persones que hèsqen era cremada o huec an de portar-ne era autorizacion o declaracion responsable, qu'auràn de presentar a peticion des agents dera autoritat.
- En cap de cas es autorizacions emetudes abiliten eth titular a executar cremades quan s'auràn suspentut aquestes per aplicacion des mesures extraordinàries o d'altres circumstàncies.
- Eth sollicitaire dera cremada ei eth responsable dera realizacion adequada d'acòrd damb es condicions que s'establisquen ena autorizacion o declaracion responsable. Quan se hèsqen jos era supervisió o direcció des Agents de Mieí Ambient e/o Bompiers d'Aran, es executants an era obligacion de complir es instruccions vinculades damb es circumstàncies meteorològiques e d'estat deth combustible qu'era persona directora dera cremada establisque en moment de realizacion d'aquesta.
- Era activitat ei realizabla exclusivaments entàs dies e ores especificades ena autorizacion emetuda.
- Sonque se pòt hèr era activitat damb eth vent en cauma. Ei a díder, damb ua velocitat sostenguda superiora a 10km/h calerà suspéner era activitat.
- Cau disposar d'un telèfon mobil entà poder dar avís immediat deuant de tota incidéncia que sigue entath numèro 112 o tath 973640080.
- Er endret dera activitat se dèishe net de lordères o rèstes dera activitat.
- Cau amortar es brases damb aigua un còp finalizada era activitat.

Article 7. Modalitats de cremada

A efèctes de gestió ena execució e autorizacions entar emplec deth huec e cremades de vegetau, era utilizació controlada deth huec se classifique enes modalitats següents:

- Nivèu 1: Huecs de dimensions reducidas
- Nivèu 2: Huecs de dimensions mejanes
- Nivèu 3: Cremades prescrites (cremades controlades)
- Nivèu 4: Cremades prescrites (cremades controlades) en sectors afectadi peth Plan Estrategic.
- Nivèu 5: Emplec deth huec tecnic en incendis de vegetacion.

Capítol 3

Nivèus 1 e 2: Huecs de dimensions reducidas e mejanes

Article 8. Autorizacions, contròtle e vigilància

CVE-DOGC-A-23236004-2023

Es nivèus 1 e 2 se classifiquen en huecs de dimensions reduïdes e mejanes. Es dus tipus an coma fin cremar rèstes vegetaus mòrtas, provenentes der encastre agrícola, silvicolà o dera jardineria.

8.1. En quinsevolhe des tres periòdes, baish, mejan e naut:

a) S'autorizen es següentes activitats sense procediment administratiu, a on era persona sollicitaira aurà de presentar ua declaracion responsabla d'activitat enes servicis de Mieï Ambient.

- Huecs de dimensions reduïdes.

- Utilizar bohaders o similars en òbres realizades en via de comunicacion que trauessen terrenes forestaus.

b) Cau autorizacion exprèssa e excepcionala deth conselhèr competent en matèria de Mieï Ambient, damb er informe preliminar des Agents de Mieï Ambient deth Conselh Generau d'Aran entà realizar:

- Huecs de dimensions mejanes, definides coma piles de materiau vegetau mòrt (rèstes vegetaus), rastolhs... damb continuitat e en tot auer un volum superior de 6 m³.

- Lançament de coets, glòbes, huecs artificiaus o d'auti artefactes que contenguen huec.

c) Es Agents de Mieï Ambient pòden determinar coma executar es tipus de huecs o activitats que poguen èster era causa der inici d'un huec, atau coma establir in situ mesures complementàries entà garantir era seguretat, o arturar es accions qu'amien a tèrme quan es condicions meteorologiquas atau ac aconselhen.

8.2. Eth departament competent en matèria de Mieï Ambient deth Conselh Generau d'Aran, tanlèu qu'age coneishença de bèth huec, damb declaracion responsabla o autorizacion, comunicarà ara SC Aran era realizacion d'aguest, damb detalh deth tipe de huec, dates e localizacion.

En cas que quauqua cremada derive en incendi que precise era presència deth Còs de Pompièrs d'Aran entath sòn contròtle o escandiment, era autoritat requè sus aguesta organizacion.

Capítol 4

Nivèu 3. Cremades prescrites (cremades controlades)

Article 9. Procediment tàs cremades prescrites (crèmes controlades) en sectors non afectadi peth Plan Estrategic.

9.1 Entà evitar huecs que poguen afectar es masses forestaus e nuclèus abitadi, e d'acòrd damb çò qu'establisson es punts següents, se pòden realizar crèmes prescrites (controlades) enes zònes de peishius de nauta montanha dera Val d'Aran, terrenes forestaus e sòus non urbanizables, tostemp damb autorizacion, que se sollicite e s'autrege, damb er informe preliminar deth/dera tecnic/a competent/a deth Conselh Generau d'Aran, peth conselhèr competent en matèria de Mieï Ambient, e de conformitat damb era Orde de 21 de junh de 1993, sus cremades controlades enes zònes de nauta montanha.

Era promocion de dita activitat cor a cargue deth titular deth terren, en tot especificar era zòna a cremar e er objectiu, e damb anticipacion sufisenta coma entà establir toti es mecanismes de coordinacion. Tanben pòden èster promotors es mejans deth Còs de Pompièrs d'Aran o es Servicis de Mieï Ambient deth Conselh Generau d'Aran, en aquest cas ei de besonh era conformitat deth titular deth terren.

9.2. Entà amiar a tèrme es cremades controlades en sectors o espacis non definidi en Plan Estrategic, cau:

a) Era execucion dera cremada prescrita se pòt realizar mentre se complisquen totes es condicions que contengue eth Plan de Cremada que s'a redigit abans d'iniciar era accion. Eth nomenat Plan de Cremada demore definit en Article 9 deth Decrèt 312/2006.

b) Cau designar ua persona responsabla (director dera cremada prescrita) entà qu'aguesta cremada se hèsque d'acòrd damb es previsions contengudes en Plan corresponent e cau que velhe pera seguretat deth personau.

c) En aquesti casi, ei de besonh qu'era persona responsabla dispòse deth títol academic competent o a d'auer superat era formacion especifica d'execucion e direccion de huec tecnic que se determine. Entath personau d'execucion son abilitadi tad aguesta foncion tanben aqueri membres deth Còs de Pompièrs dera Generalitat qu'agen superat era formacion especifica d'execucion e direccion de huec tecnic impartit pera Escòla de Pompièrs e Seguretat Civil de Catalonha e era d'aqueres persones qu'agen superat eth procès de formacion o

abilitacion que gesque dera aplicacion d'aguest reglament.

9.3. Ena realizacion des cremades prescrites (controtlades), cau dar avís preliminar ath Centre d'Emergències de Pompièrs (SCAran). En cas de colaboracion, ena cremada de personau deth Còs de Pompièrs d'Aran, aguest pòt supervisar era bona execucion d'aguestes activitats, atau coma establir "in situ" mesures complementàries entà garantir era seguretat, o arturar es accions qu'amien a tèrme quan es condicions meteorologiques atau ac aconselhen.

Capítol 5

Nivèu 4 Cremades prescrites (cremades controtlades)

Es sectors afectadi peth Plan Estrategic.

Article 10. Procediment cremades prescrites (cremades controtlades) enes sectors afectadi peth Plan Estrategic.

10.1. Era realizacion d'ua cremada en un sector afectat peth Plan Estrategic, simplifique tota era tramitacion administrativa e era documentacion tecnica de besonh, pr'amor que ja son coneishudi entà cada sector de gestion, mejançant ua ficha operativa, es paramètres de Cabau Ecologic deth Huec (CEF) a trauès de variables coma era capacitat, era potència, eth comportament, era estacionalitat, era recurrència e es hièstres marcs d'accion. Tanben son preidentificadi aspèctes claus a nivèu operatiu com son es èishi de confinament, es vulnerabilitats, e es elements entà considerar entara prenuda de decisions.

10.2. Se realizaràn d'acòrd damb es següents procediments:

I. Promoigudes per particulars, entitats e administracions locals.

a) Hèr-la damb mejans pròpris o concertadi: complir es condicions exposades en article 6 d'aguest reglament, ath delà d'auer redactat un Plan de Cremada, en tot nomenar eth Director dera madeisha, en tot basar-se en Plan Estrategic aprovat.

b) Hèr-ne peticion de realizacion en tot emplegar mejans des servicis de Mieï Ambient/o Pompièrs: s'ajustarà as condicions establides coma se se tractèsse d'ua accion promoiguda per aguesti servicis. Aguestes cremades non requerissen d'autorizacion preliminar en èster executades pes servicis publics.

Era participacion d'aguesti servicis pòt originar eth crubament d'acòrd damb er article 22 d'aguest reglament.

II. Promoigudes pes servicis de Mieï Ambient o Pompièrs d'Aran: Mantier coma guida d'accion es condicions exposades en article 9. Aguestes cremades non requerissen d'autorizacion preliminar en èster executades pes servicis publics.

Capítol 6

Nivèu 5. Emplec deth huec tecnic en incendis de vegetacion

Article 11. Comandament en un incendi

D'acòrd damb era terminologia emplegada peth plan INFOCAT correspon ath Còs de Pompièrs d'Aran comandar ath Grop d'Intervencion qu'ei eth conjunt de persones que s'encarguen basicaments der escandiment der incendi e coordinar es accions des auti membres en lòc dera emergència a trauès deth sòn coordinador operatiu o cap d'intervencion.

Exceptat des casi en qué se realizen evacuacions, per motius de seguretat, cap persona que non apartengue ath Grop d'intervencion se pòt desplaçar pera zòna afectada pera emergència, mentre un incendi sigue actiu sense era autorizacion exprèssa deth comandament deth Còs de Pompièrs d'Aran en foncion deth cap d'intervencion der incendi e tostemp cau qu'er accés se hèsque pes rotes qu'establisque aguest.

Article 12. Eplec deth huec en casi d'incendi de vegetacion

En casi d'incendi de vegetacion, eth Còs de Pompièrs d'Aran pòt hèr usatge deth huec coma mejan entà estabilizar, amortar, redirigir, confinar o disminuir era intensitat der incendi.

Aguest usatge implique, mejançant era utilizacion des diuèrsi tipus de cremades d'aishamplament o contrahuecs, era cremada des zònes que, damb ua prevision normau, pòden èster consumides per incendi.

Atau madeish, son abiletats entad eplec d'aguestes tecnicas en Aran, aqueri membres apertenenti as unitats GRAF deth Còs de Pompièrs dera Generalitat, e aqueri d'auti còssi d'escandiment tostemp qu'existisque un convèni de collaboracion damb eth Còs de Pompièrs d'Aran.

Es manòbres e era intervencion de d'auti còssi an d'èster autorizades peth comandament deth Còs de Pompièrs d'Aran damb es foncions de Cap d'Intervencion der incendi.

Article 13. Incendi de vegetacion localizat en un sector afectat peth Plan Estrategic

Independentaments dera causa e/o origina der incendi, s'aguest afècte ua zòna includida en Plan Estrategic, a decision deth Cap deth grop d'intervencion, pòt passar a gestionar-se coma ua cremada prescrita que sigue part dera preplanificacion dera emergéncia. Açò prevé qu'es condicions dera hièstra d'oportunitat són compatibles damb es critèris fixadi ena prescripcion, e en generau, s'era casuistica ei coerenta en arbe de decisions prepausades en document deth Plan Estrategic.

Era SC Aran comunicarà ath Departament de Mieï Ambient deth Conselh Generau d'Aran, entitats propietàries e/o municipi/s afectat/di ena sua actuacion en un incendi de vegetacion.

Capítol 7

Abilitacions, accions de vigilància e competéncias

Article 14. Manòbres de huec tecnic en cremades prescrites e en incendis

En cremades prescrites, ei de besonh qu'es manòbres de huec tecnic siguen executades jos monitorizacion des condicions meteorologiquas deth moment dera execucion e des dues ores posteriores. Correspon ath Director dera cremada e/o ath Còs de Pompièrs d'Aran definir era hièstra de prescripcion tad aguestes accions o en cada incendi en concrèt.

S'es condicions de cremada non se complissen o ben, eth director deth plan considèrè qu'es actuaus non son adaptades entara realizacion o era continuacion dera cremada o non se pòden pas arténher es objectius definidi en Plan de Cremada, era intervencion cau que finalize. Correspon ath director deth plan er establiment des equipes de resèrva qu'asseguren er amortament e propagacion deth huec.

En incendis, era execucion des manòbres damb huec tecnic cau que sigue dirigida e amiada a tèrme per personas membres deth Còs de Pompièrs d'Aran e d'agues agéncies abilitades o qu'agen superat eth periòde de formacion establhit damb aguest objectiu e jos era direccion deth Cap d'Intervencion.

Article 15. Accions en matèria de limitacions e vigilància vinculada ara prevencion d'incendis. Mesures extraordinàries.

Eth Conselh Generau d'Aran pòt realizar ua analisi periodica des condicions de perill d'incendis forestaus, e en foncion d'aguesta establir es procediments operatius qu'afècten as agents de Mieï Ambient, en matèria de vigilància e limitacions de movements, e/o ath Còs de Pompièrs d'Aran per çò qu'ei ara mobilizacion des sues dotacions.

Atau, entre d'agues, quan es circumstàncies meteorologiquas siguen extrèmes e de naut risc, coma son es dera èrba sèca des mesi de deseme, en gèr e en hereuèr quan non i a nhèu, episòdis de vent o ondades de calor, eth Conselh Generau d'Aran pòt establir ues mesures extraordinàries

Aguesta analisi pòt comportar era proïbicion o restriccion de determinades activitats susceptibles de provocar

CVE-DOGC-A-23236004-2023

incendis forestaus, coma ara, era possibilitat d'alugar quinsevolh tipe que sigue de huec, incluidada era utilizacion de fogons de gas, humar en terrenes forestaus, realizacion d'activitats esportives en miei naturau, de trabalhs forestaus o d'activitats agricòles e er usatge de barbacoas enes airaus de léser existent, en tot poder enclús, restringir, totau o parciauments, er accés ath miei naturau d'acòrd damb era ordenança reguladora der accés motorizat ath miei naturau en territori de la Val d'Aran.

Article 16. Itinerari formatiu e abilitacions

16.1. Correspon ath Còs de Pompièrs d'Aran era creacion d'un itinerari formatiu qu'abilite en exercici deth huec tecnic e enes bases d'anàlisi d'incendis as diuersi integrants des equipas d'escandiment e/o cremades prescrites afectades per aquest reglament.

Correspon ath madeish Còs, era possibilitat d'organizacion de jornades formatives o divulgatives que tracten sus er emplec deth huec tecnic, prevencions e beneficis dedicadi a usatgèrs deth huec, en miei naturau o ciutadanetat en generau.

16.2. Se faculte ad aquest Còs era gestion e explotacion d'aguesta formacion exercida damb mejans pròpris o concertadi damb er ISPC, ETEVA o d'altres centres formatius, en tot èster era encargada tanben de tramitar toti es procèssi d'abilitacions a diferents grups publics o privadi qu'opèren en aquest encastre en Aran.

16.3. Atau madeish correspon ad aquest Còs era capacitat d'encomanar a entitats collaboradores degudaments acreditades er exercici de foncions d'execucion des cremades prescrites, plans de cremada e informes restacadi. Aquestes entitats collaboradores an d'èster degudaments abilitades peth Conselh Generau d'Aran d'acòrd damb çò que s'establirà reglamentàriament. Atau madeish, eth personau tecnic des entitats mencionades an de disposar des oportunes abilitacions.

Article 17. Monitorizacion des resultats e incidències deth Plan Estrategic.

Correspon a Pompièrs Emergències, SL e/o ath Conselh Generau d'Aran, era creacion de projèctes de seguiment deth plan strategic damb equipas de trabalh transdisciplinaries, entà crear e compartir objectius comuns a nivèu de coneishença entre eth mon dera gestion, era comunitat scientifica e dera operativa d'emergències.

Atau madeish correspon ad aquestes organizacions era capacitat d'encomanar a personas o entitats que demòstren era sua expertesa en aquestes matèries en exercici d'aquestes foncions de monitorizacion.

Article 18. Desplegament normatiu

S'autorize ath Departament de Miei Ambient deth Conselh Generau d'Aran e ath Còs de Pompièrs d'Aran, a desplegar protocòls e circulars de cadua des accions d'aquest Reglament.

Capítol 8

Emplec deth huec en airaus de léser plaçadi ena Val d'Aran

Article 19. Emplec deth huec enes airaus de léser plaçadi ena Val d'Aran

19.1. Es airaus e es barbacoas, publiques e privades, se regiràn pera nòrma aplicabla, ei a díder, era Orde de 17 de març de 1987, sus airaus forestaus recreatius e eth Decrèt 64/1995, de 7 de març, que s'establiessen mesures de prevencion d'incendis forestaus.

19.2. Es airaus de léser publics e refugis plaçadi ena Val d'Aran, excluides dera proibicion generica de hèr huec der art. 6 d'aquest reglament se fixen en Annèx 1.

19.3. Eth bastiment de barbacoas d'òbra a de complir ua nòrma, e cau netejar era vegetacion baisha e arbustiva, d'arbes e de rèstes vegetaus o de quinsevolh materiau que pogue propagar eth huec, en un cercle de cinc (5) mètres de radi ath torn dera barbacoa. Entre d'altres condicions se compliràn:

CVE-DOGC-A-23236004-2023

- a) Es terrenes ath torn dera barbacoa asseguraràn era impossibilitat d'ignicion d'aguestes. Entre es possibles alternatiues se tròben era der acabament d'aguestes damb lòses de pèira naturau, grava o similara.
- b) Es barbacoas an d'anar provedides d'un sistèma amòrtabues metallic, consistent en ua plancha metallica damb horats de diàmetre inferior a sèt (7) mm e separadi a ua distància similara.
- c) Era nautada der amòrtabues serà d'aproximativaments un (1) mètre, en foncion dera intensitat deth vent dera zòna, o ben, anarà installat ath dessús dera humeneja.
- d) Ei condicion indispensable disposar d'aigua apròp des barbacoas, entà amortar es petiti incendis e es brases dempús deth sòn usatge, atau coma disposar de grasilhes metaliques e inclinables entà facilitar-ne era neteja, e preferentaments disposar de paravents.
- e) Es barbacoas an d'èster barrades pes tres costats per un muret damb forma d'U, entà protegir-les deth vent.

Capítol 9

Caractèr non indemnizable des cremades prescrites, infraccions, sancions e taxes

Article 20. Caractèr non indemnizable des cremades prescrites

20.1. Es cremades prescrites de combustible vegetau realizat d'acòrd damb aquerò que prevé aguesta nòrma e aquerò qu'establisque eth Plan de cremada de gestion corresponenta, non daràn dret a indemnizacion, sense perjudici dera aplicacion dera nòrma reguladora dera responsabilitat patrimonial quan correspone.

20.2. Ei proïbit eth pasturatge e eth profitament pagés de tota era zòna cremada pendent un periòde de cinc (5) ans, a excepcion des casi en qu'es cremades controlades s'agen realizat en tot seguir es especificacions d'aguest Reglament.

Article 21. Incompliments. Infraccions e sancions

Es cremades sense autorizacion, o era execucion d'aqueres autorizadas sense complir es condicions e proïbicions indicades en aguest Reglament o en que figuren ena autorizacion, o quan non s'adòpten immediataments es mesures ordenades pes membres Agents de Mieï Ambient o deth Còs de Pompièrs d'Aran presents en lòc dera cremada, motive era anulacion dera autorizacion e, se cau, era presentacion dera denúncia corresponenta.

D'acòrd damb aquerò que dispòse eth Decrèt 64/95, de 7 de març, er incompliment d'aguesta nòrma serà sancionada de conformitat damb aquerò qu'establís era nòrma forestau, e eth procediment se tramitarà deuant d'aguest Conselh Generau d'Aran.

Article 22. Taxes

En aqueres activitats que, promoigudes per particulars o entitats locals, se sollicite o sigue de besonh era preséncia des servicis d'agents de Mieï Ambient o dotacions deth Còs de Pompièrs d'Aran, les serà d'aplicacion eth crubament des corresponents taxes, tostemp qu'aguestes siguen previstes ena oportuna Ordenança fiscau deth Conselh Generau d'Aran.

Disposicion Derogatòria

Aguest reglament abolís e substituís eth Reglament entara prevencion d'incendis forestaus e entar emplec des airus de léser ena Val d'Aran (BOP, num. 33, de 6 de març de 2007).

Disposicion Finau

CVE-DOGC-A-23236004-2023

Aguest Reglament entrarà eth vigor a londeman dera sua publicacion en BOP, d'acòrd damb aquerò previst enes articles 65.2 e 70.2 dera Lei 7/1985, de 2 d'abriu, reguladora des bases de regim locau.

Annèx 1

Airaus de léser

1. Aiguamòg, propietat de Salardú e Tredós
2. Montanheta, propietat de Salardú e Tredós
3. Prat de Ponin, propietat d'Arties
4. Costassa, propietat de Betren
5. Conangles, propietat de Vielha
6. Plan Batalhèr, propietat d'Aubèrt, Betlan, Vilac e Gausac
7. Salient, propietat de Vilac
8. Montcorbau, propietat de Montcorbau
9. Sant Miquèu, propietat de Vilamòs
10. Bassa d'Arres, propietat d'Arres
11. Cuveishic, propietat d'Arròs e Vila
12. Palanca deth Planhòt, propietat d'Es Bòrdes, Benós e Begòs
13. Plan dera Artiga, propietat de Vielha
14. Gèles - Santet de Gausac, propietat de Gausac
15. Portilhon, propietat de Bossòst
16. Bodigues, propietat de Les
17. Guardader de Les, propietat de Les"

Vielha, 22 d'agost de 2023

Maria Vergés Pérez

Sindica d'Aran

(23.236.004)

ADMINISTRACIÓ LOCAL

CONSELL GENERAL D'ARAN

EDICTE que se hè entà eth publica era aprobacion definitiva deth Reglament de gestion sostenible deth huec.

Eth Plen deth Conselh Generau d'Aran, en session ordinària de 22 de hereuèr de 2023, aprovèc iniciaument eth Reglament entà regular era gestion sostenibla deth huec en terren forestau e interfase urbana en territori der Aran, era quau causa se hè publica pendent un tèrme de trenta (30) dies obrants, en BOP de Lleida num. 47, de 8 de març de 2023, en pannèu d'anoncis d'aguesta Corporacion, ar efècte qu'es persones interessades poguen examinar-lo e presentar possibles reclamacions e/o alegacions.

Transcorrut eth tèrme d'informacion publica sense que s'agen presentat reclamacions ne alegacions se publike eth tèxte íntegre deth reglament, entrant en vigor un còp transcorruts quinze (15) dies a compdar deth dia següent dera sua publicacion en BOP de Lleida, cossent damb çò previst enes articles 65.2 e 70.2 dera Lei 7/85, de 2 d'abriu, Reguladora des Bases deth Regim Locau.

"REGLAMENT ENTARA GESTION SOSTENIBLA DETH HUEC EN TERREN FORESTAU E SÒU NON URBANIZABLE, E ENTATH SÒN EMPLEC ENES AIRAUS DE LÉSER ENA VAL D'ARAN

Indèx sistematic

Preambul

Capítol 1

Disposicions generaus e definicions

Article 1. Objècte deth reglament

Article 2. Eth Plan Estrategic de gestion sostenibla deth regim deth huec ena Val d'Aran" (Plan Estrategic)

Article 3. Definicions

Capítol 2

Periòdes de risc, excepcions, nòrmes generaus d'execucion e modalitats de cremada

Article 4. Periòdes de risc e restriccions de hèr huec

Article 5. Regim d'excepcions

Article 6. Nòrmes generaus d'execucion d'ua cremada

Article 7. Modalitats de cremada

Capítol 3

Nivèus 1 e 2: Huecs de dimensions redusides e mejanes

Article 8. Autoritzacions, contròtle e vigilància

Capítol 4

Nivèu 3. Cremades prescrites (cremades controlades)

Article 9. Procediment cremades prescrites (crèmes controlades) en sectors non afectadi peth Plan Estrategic.

Capítol 5

Nivèu 4 Cremades prescrites (cremades controlades)

Es sectors afectadi peth Plan Estrategic.

Article 10. Procediment cremades prescrites (cremades controlades) es sectors afectadi peth Plan Estrategic.

Capítol 6

Nivèu 5. Eemplec deth huec tecnic en incendis de vegetacion

Article 11. Comandament en un incendi

Article 12. Eemplec deth huec en casi d'incendi de vegetacion

Article 13. Incendi de vegetacion localizada en un sector afectat peth Plan Estrategic

Capítol 7

Abilitacions, accions de vigilància e competències

Article 14. Manòbres de huec tecnic en cremades prescrites e en incendis

Article 15. Accions en matèria de limitacions e vigilància restacades ara prevencion d'incendis. Mesures extraordinàries.

Article 16. Itinerari formatiu e abilitacions

Article 17. Monitorizacion des resultats e incidències deth Plan Estrategic.

Article 18. Desplegament normatiu

Capítol 8

Eemplec deth huec en airaus de léser plaçadi ena Val d'Aran

Article 19. Eemplec deth huec enes airaus de léser plaçadi ena Val d'Aran

Capítol 9

Caractèr non indemnizable des cremades prescrites, infraccions, sancions e taxes

Article 20. Caractèr non indemnizable des cremades prescrites

Article 21. Incompliments. Infraccions e sancions

Article 22. Taxes

Disposicion Derogatòria

Disposicion Finau

Annèx 1

Airaus de léser

Preambul

1.- Ei objècte d'aguest Reglament ei regular era gestion sostenibla deth huec en terren forestau e interfase urbana en territòri der Aran. Includís era organizacion des accions de prevencion activa de huecs de vegetacion, era gestion deth huec laguens era planificacion dera emergéncia atau coma er escandiment de huecs de vegetacion, e es mesures restacades ara sua gestion enes airaus de léser, qu'impliquen as ciutadans, e tanben as servicis de miei ambient e d'emergéncias deth Conselh Generau d'Aran.

2.- Era competéncia deth Conselh Generau d'Aran s'exercís en vertut des articles 61 en matèria de proteccion e gestion deth miei ambient, 62 en matèria d'auviatge e recorsi naturaus, qu'includís er establiment des mesures de prevencion e escandiment d'incendis forestaus, e 72 relatiu ara gestion des servicis d'emergéncias e proteccion civila, toti dera Lei 1/2015, deth 5 de hereuèr, deth regim especiau d'Aran.

Aguestes disposicions s'adòpten en desvolopament e d'acòrd damb eth Decrèt 288/1997, de 31 d'octobre, sus era transferéncia de competéncias e servicis dera Generalitat de Catalonha ath Conselh Generau d'Aran en matèria de caça, pesca e profitaments forestaus, e entara regulacion des autorizacions entà alugar huec, e es accions entara prevencion d'incendis forestaus, eth Decrèt 150/1999, d'1 de junh, de transferéncia de servicis e foncions dera Generalitat de Catalonha ath Conselh Generau d'Aran en matèria de restauracion hidrologicoforestau, fauna, espacis includidi ath Plan d'espacis d'interès naturau, artesanía alimentària e sus era ampliacion des traspassi de profitaments forestaus, pesca fluviau, circulacion motorizada e prevencion d'incendis forestaus, e eth Decrèt 170/1994, de 14 de junh, a on era Generalitat de Catalonha traspassèc ath Conselh Generau d'Aran es servicis, mejans e recorsi en matèria de sauvaments e escandiment d'incendis.

Existís atau madeish, era Lei 6/1998, de 30 de març, Forestau de Catalonha, eth Decrèt 64/1995, de 7 de març, a on s'establisson es mesures de prevencion d'incendis forestaus (DOGC num. 2022, de 10 de març de 1995), damb era Orde de 21 de junh de 1993, sus cremades controlades enes zònes de nauta montanha (DOGC num. 1780, de 6 d'agost de 1993), damb eth Decrèt 312/2006, de 25 de junhsèga, que se regule era gestion deth huec tecnic per part deth personau des servicis de prevencion e escandiment d'incendis dera Generalitat de Catalonha e damb era Lei 7/2022, de 8 d'en abriu, de residus e sòus contaminants entà ua economia circulara (modificada pera Lei 30/2022 deth 24 de deseme deth 2022).

3.- Era gestion deth huec en Aran ei un ahèr innat e polemic pes implicacions a multiples escales e facetes, a dia d'aué ei ua demanda importanta per part de diuersi sectors qu'utilizen er entorn naturau. Tradicionaments, eth huec s'emplegaue coma estrument de conservacion des pastures (reduccion dera vegetacion lenhosa e de matarrassi), mès enes darrèrè ans, bèri d'aguesti huecs an provocat grani incendis, sustot a causa de cambis de paisatge (per continuitat e carga de combustible), e deth cambi climatic (per sequèra qu'a permetut qu'eth huec se propaguèsse damb facilitat). D'auta banda, era omogeneïzacion deth paisatge a causa der abandonament d'activitats primàries favorís era capacitat de propagacion des grani huecs en cas de condicions climatiques advèrses. Es condicions atmosferiques an provocat qu'enes iuèrns suaus damb temperatures nautes, era vegetacion sigue disponibla entà cremar, e en un contèxte de cambi climatic aguest hèt supause un rèpte entàs organizacions d'emergéncias entà non saturar deuant de huecs forestaus extrèms o simultanèus. Atau madeish, eth fòrt pes deth torisme ena Val d'Aran ahig pression as administracions entà evitar er impacte negatiu que supause eth huec tà societats urbanes non acostumades ada eth.

De un aute costat, dat er inici d'un huec non programat, se hè imprescindibla era gestion deth huec coma era intervencion per part des servicis d'emergéncias e miei ambient, destinada ath seguiment dera evolucion der incendi entà minimizar es sues conseqüéncias negatiues e/o potenciar-ne es positives, en tot desplegar manòbres d'estabilizacion e acompanyament deth huec enquia ancoratges definitius enquiar escandiment finau. Era gestion deth huec se fondeja damb era pre-planificacion dera emergéncia, estratègia que permet acordar per consensus e aprovar prèviaments era idea de resolucio finau d'aguesta.

4.- Damb aguest objectiu, eth Conselh Generau d'Aran a aprovat eth "Plan Estrategic de gestion sostenible

CVE-DOGC-A-23236004-2023

deth regim deth huec ena Val d'Aran" (a partir d'ara, Plan Estrategic) (DOGC 8699, 30 de junh deth 2022) que se prevé coma un estrument de besonh tant ena gestion damb huec prescrit, comunament nomentades "cremades controlades", coma ena gestion deth huec mès restacat damb era resolucio des emergéncias.

5.- D'acòrd damb çò que s'establís ena nòrma sus es cremades controlades de nauta montanha e ena Lei Forestau de Catalonha, e d'acòrd damb es competéncias traspassades ath Conselh Generau d'Aran, correspon ad aguest era planificacio, coordinacio e execucio des mesures e es accions entara prevencio d'incendis forestaus, atau coma era autorizacio entà hèr huec o cremades, e as Servicis d'Emergéncias (Pompièrs), era gestion deth huec en aqueres zònes dera Val d'Aran planificades en Plan Estrategic e er escandiment d'incendis en Aran.

Era nomentada Lei tanben prevé qu'era administracio forestau pogue vedar temporauments eth pasturatge enes endrets que calgue entà assegurar era regeneracio naturau, e limitar es profitaments pagesi sus terrenes erosionables se s'a produsit degradacio deth sòu o dera cocha vegetau, es nòrmes e proibicions contengudes en aguest Reglament seràn d'aplicacio a toti es terrenes forestaus definidi en article 2 dera Lei 6/1988, de 30 de març, forestau de Catalonha, siguen o non poblada d'espècies arborenes, e era listra de 500 mètres que les entornege.

6.- Era motivacio atau, d'aguesta naua regulacio, a prepausa deth Departament de Miei Ambient e dera Prefectura deth Còs de Pompièrs Aran, ei adaptar as naues situacions e normativa er existent "Reglament entara prevencio d'incendis forestaus e entar usatge des airus de léser ara Val d'Aran" (BOP de Lhèida num. 33, deth 6 de març deth 2007).

Capítol 1

Disposicions generaus e definicions

Article 1. Objècte deth reglament

Aguest Reglament a per objècte regular era gestion deth huec en miei naturau e interfase urbana en territòri der Aran. Includís era organizacio des accions de prevencio activa d'incendis de vegetacio en terrenes forestaus, ena listra de 500 m que les entornege e es sòus non urbanizables, era gestion deth huec laguens era planificacio dera emergéncia atau coma er escandiment d'incendis de vegetacio e era regulacio deth sòn usatge enes airus de léser.

Article 2. Eth Plan Estrategic de gestion sostenible deth regim deth huec ena Val d'Aran" (Plan Estrategic)

2.1. Eth Plan Estrategic (DOGC 8699, 30 de junh deth 2022) ei un programa que permet hèr ua gestion deth regim d'incendi en conjunt entà adaptar-se ath nau scenari d'incendis emergenti deuant eth cambi climatic. Aguesta planificacio a coma objectiu proporcionar ua solucio ara gestion deth huec en Aran mejançant era priorizacio deth ben comun e cercar era conciliacio d'interèssi de toti es actors implicadi (còssi d'emergéncias, servicis de prevencio, pagesi e agricultors, caçaires, proteccion dera natura, torisme, esquí, associacions de vesins, eca.). Preten socializar eth risc d'incendis e crear oportunitats de promòir era resiliéncia des organizacions d'emergéncias (evitar eth collapse e aumentar era capacitat de resposta).

Un aspècte important d'aguest Plan ei er establiment de concèpte de cabau ecologic de huec (CEF) coma era quantitat, eth moment e era qualitat de cabau de huec requerit entà sostier eth ben comun restacat a un sistèma socioecologic concrèt. Damb era implementacio deth CEF es gestors an era oportunitat d'arténher un regim o un patron de peada de huec que manten procèssi essenciaus ena auto-organizacio e era resiliéncia der ecosistèma forestau, e parallèlaments, redusir era vulnerabilitat ath collapse deth sistèma socioecologic.

2.2. Eth Plan se materialize mejançant era creacio de sectors de gestion a on se prevé era vegetacio que se cremarà en periòde considerat (CEF). Laguens d'aguesti sectors de gestion, s'establís qu'era vegetacio se pòt cremar ben en ua cremada prescrita o en un incendi gestionat.

Cada sector de gestion prepausat dispòse d'ua ficha operativa a on se concrète eth paramètre de CEF a trauès de variables coma era capacitat, era poténcia, eth comportament, era estacionalitat, era recurréncia e es

CVE-DOGC-A-23236004-2023

hièstres marcs d'accion. Tanben preidentifique aspèctes claus a nivèu operatiu com son es èishi de confinament, es vulnerabilitats, e es elements a considerar entara presa de decisions pendent era sua implementacion.

<https://tauler.Sòn.cat/pagDetall.Don?idEdicte=354679&idens=8103980001>

Article 3. Definicions

As efèctes d'aguest reglament s'enten per:

- Cabau ecologic de huec (CEF): Era quantitat e qualitat de cabau de huec requerit entà sostier eth ben comun restacat a un sistèma socioecologic concrèt.
- Cremada prescrita o controlada: s'enten per cremada prescrita aquera combustion controlada de vegetau realizada jos ues condicions meteorologiques, de combustible e topografiques fixades, damb era intencion d'arténher un objectiu determinat, coma era reduccion deth combustible coma usatge preventiu d'incendis forestaus, facilitar era regeneracion d'ua cèrta espècia vegetau o eth pasturatge.
- Director deth Plan de cremada de gestion: era persona membre deth Còs de Pompièrs d'Aran que dirigís era execucion d'un Plan de cremada de gestion prèviaments aprovada.
- Huec tecnic: ignicion controlada, dirigida e realizada pes persones membres des servicis de prevencion e escandiment d'incendis abilitadi, en basa a ues condicions meteorologiques definides e ua analisi de comportament d'incendi preestablit. Es tipas de huec tecnic son:
 - Contrahuecs: Manòbra d'escandiment que se realize damb huec tecnic damb era fin d'eliminar e/o desplaçar er oxigèn, verticalizar ua columna e arténher qu'es fòcus segondaris quèiguen ena zòna cremada en tot arturar er auanç deth front principau der incendi.
 - Cremades d'aishamplament: manòbra d'escandiment que se realize damb huec tecnic entà eliminar eth combustible forestau en un airau potenciau d'èster cremat de forma descontrolada per auanç d'un incendi de vegetacion.
 - Cremada de gestion de combustible vegetau: combustion controlada de matèria vegetau dirigida per personau especializat e abiletat damb era fin d'arténher que, en cas que se declare un incendi, eth sòn comportament sigue laguens dera capacitat d'escandiment des servicis de prevencion e escandiment d'incendis.
 - Huecs de dimensions mejanes: son aqueri huecs per ua pila de materiau vegetau mòrt (rèstes vegetaus), rastolhs... Totes aqueres qu'an ua continuitat en tot hèr un volum d'entre 6 e 100 m³ (6x6x3 m) e que se tròben dehòra deth solèr urban, es urbanizacions, bòrdes e cabanes. Non se preven en aguest tipe de huec es cremades prescrites.
 - Huecs de petites dimensions: son aqueri huecs de dimensions redusides, formades per piles de materiau vegetau mòrt (rèstes vegetaus), rastolhs... Sense continuitat entre eres e isolades, d'un volum aproximatiu de 6m³ (3x2x1 m), dehòra de sòu urban, urbanizacions, bòrdes e cabanes.
- Interfasa Urbana: Airau o zòna a on es estructures e d'alti bastiments umans se combinen damb terrens forestaus non modificadi o combustible d'origina forestau.
- Plan de cremada de gestion: projècte tecnic a on s'arrecuelhen es condicions d'execucion dera cremada de gestion entà arténher es objectius fixadi ath Plan.
- Sòs non urbanizables (SNU), es sòs que maugrat non èster laguens deth classament de terren forestau, entornegen es nuclèus de poblacion e pòden èster un perilh potenciau tara seguretat d'aguesti (art 32 deth Tèxte rehèt dera Lei d'Urbanisme).
- Terrens classificadi coma forestaus: es terrens definidi en Article 2 dera Lei Forestau 6/1988, a on les definís com:
 - a) Es sòs rustics pobladi d'espècies arberenques o arbustives, de matarrassi e d'èrbes.
 - b) Es èrms plaçadi enes limits des bòsqi que siguen de besonh entara proteccion d'aguesti.
 - c) Es èrms que, pes sues caracteristiques, siguen adaptadi entara aforestacion o era reforestacion.

Se considèren tanben coma terrens forestaus es prats de regeneracion naturau, es hanhassi, es rasi pobladi

CVE-DOGC-A-23236004-2023

anterioraments e transformadi sense era autorizacion corresponenta e es pistes e camins forestaus.

Se considèren coma terrenns forestaus temporaus, damb ua durada minima deth torn dera espècia, es terrenns agrícoles que circunstanciaument son objècte d'explotacion forestau damb espècies de creishement rapid.

- Titular deth terren: persona fisica o juridica que dispòse d'un dret de propietat sus un terren.

Capítol 2

Periòdes de risc, excepcions, nòrmes generaus d'execucion e modalitats de cremada.

Article 4. Periòdes de risc e restriccions de hèr huec.

Segons era climatologia e es masses forestaus dera Val d'Aran e d'acòrd damb aquerò que dispòse eth Decrèt 64/1995, de 7 de març, qu'establís es mesures de prevencion d'incendis forestaus, se determinen es següentes nòrmes especificas, per çò qu'ei der usatge deth huec en terrenns forestaus, ena llista de 500 m que les entornege e sòus non urbanizables:

4.1. Se concrèten tres periòdes en foncion deth perill potenciau d'incendi forestau:

- Baish: deth dia 1 de març enquiath dia 31 de mai.

- Mejan: deth dia 1 de junh enquiath dia 30 de noveme.

- Naut: deth dia 1 de deseme enquiath dia 28 de hereuèr. Periòde de perill mès naut entà alugar huec pendent eth quau cau extremar es precaucions.

4.2. Damb caractèr generau, e damb independéncia des periòdes anteriorament descriti, cau tier en compte que:

a) Enes terrenns forestaus, siguen o non pobladi d'arbes, non s'i pòt alugar huec entà cap tipe d'activitat, sigue quina sigue era sua fin. Ath delà, non s'i pòden cremar rastolhs, marges e rèstes de profitaments forestaus, agrícoles o de jardineria. Tanpòc s'i pòt hèr huec de léser dehòra des airus de léser der Annèx 1, ne derivada d'activitats restacades damb era apicultura. Atau que demore totauments proïbit hèr huec de camp; lançar objèctes alugadi; materiau pirotecnic, vuedar lordères e rèstes vegetaus e industriaus de quinsevolh manèra que sigue que poguen èster era causa der inici d'un huec.

b) Laguens des airus de léser e enes parcelles de bòrdes, cabanes e des urbanizacions o sòu urban, cada viatge que s'utilizen fornèus de gas e barbacoas d'òbra damb amòrtabues, ei excludida era proibicion de hèr huec.

Maugrat açò, es personas o administracions locals que les calgue hèr huec en terrenns forestaus, sòu non urbanizable, public o privat dera Val d'Aran, pòden realizar trabalhs de prevencion activa damb era utilizacion de huec en foncion deth tipe e dimension d'aguest e damb es autorizacions e nòrmes generaus d'execucion descrites en aguest reglament.

Article 5. Regim d'excepcions

S'establís un regim excepcionau d'aguestes proibicions de hèr huec, en:

a) Romiuatges, Hèstes majors, Hèstes de Sant Joan e Hèstes deth Huec: tostemp damb autorizacion exprèssa der Ajuntament corresponent laguens er encastre des sues competéncias, qu'adoptarà, aumens es mesures d'execucion contemplada en art. 6 d'aguest Reglament.

b) Huecs en sòu urban: calerà autorizacion der Ajuntament corresponent laguens er encastre des sues competéncias, qu'adoptarà aumens es mesures d'execucion previstes en art. 6 d'aguest Reglament, e incluirà un plan de proteccion damb es mesures qu'adoptarà era persona sollicitaira.

c) Airus de léser deth Conselh Generau d'Aran e/o municipaus: non ei preceptiva era autorizacion entar usatge des airus que se restaquen en Annèxa 1, e se regulen pera sua nòrma.

Atau madeish se comunicarà quinsevolh autorizacion autrejada que sigue as Agents de Miei Ambient deth Conselh Generau d'Aran e ara Sala de Contròle d'Aran deth Còs de Pompièrs d'Aran (d'ara enlà, SCARAN).

Article 6.- Nòrmes generals d'execució d'ua cremada

Entà quinsevolh tipe que sigue de cremada e huec, ja siguen de diferents dimensions, es hèstes, romiatges... s'auràn de seguir es següents nòrmes:

- Non se pot cremar ua auta vegetacion qu'era autorizada o declarada.
- Abans dera execució de quinsevolh tipe que sigue de cremada o huec s'auràn hèt es trabalhs preparatòris e preventius establidi ena autorizacion particulara o es generals o especifics continguts en aquest Reglament.
- Se procedirà a amortar es cremades o huecs que se realizen en zònes apròp de carretères quan eth vent amie eth hum tad aquíu, e mete en perill era seguretat viària.
- Pendent era cremada an de demorar en lòc, aumens, eth nombre de persones que s'age indicat ena autorizacion, en tot controlar eth huec, sense poder abandonar-lo enquia que sigue totauments amortat. Aquestes persones an de disposar d'equipament e estruments boni entà controlar e/o extinguir eth huec.
- Es persones que hèsquen era cremada o huec an de portar-ne era autorizacion o declaracion responsabla, qu'auràn de presentar a peticion des agents dera autoritat.
- En cap de cas es autorizacions emetudes abiliten eth titular a executar cremades quan s'auràn suspènut aquestes per aplicacion des mesures extraordinàries o d'outes circumstàncies.
- Eth sollicitaire dera cremada ei eth responsable dera realizacion adequada d'acòrd damb es condicions que s'establisquen ena autorizacion o declaracion responsabla. Quan se hèsquen jos era supervisió o direcció des Agents de Mieí Ambient e/o Pompièrs d'Aran, es executants an era obligacion de complir es instruccions vinculades damb es circumstàncies meteorològiques e d'estat deth combustible qu'era persona directora dera cremada establisque en moment de realizacion d'aquesta.
- Era activitat ei realizabla exclusivaments entàs dies e ores especificades ena autorizacion emetuda.
- Sonque se pòt hèr era activitat damb eth vent en cauma. Ei a díder, damb ua velocitat sostenguda superiora a 10km/h calerà suspèner era activitat.
- Cau disposar d'un telèfon mobil entà poder dar avís immediat deuant de tota incidència que sigue entath numèro 112 o tath 973640080.
- Er endret dera activitat se dèishe net de lordères o rèstes dera activitat.
- Cau amortar es brases damb aigua un còp finalizada era activitat.

Article 7. Modalitats de cremada

A efèctes de gestió ena execució e autorizacions entar emplec deth huec e cremades de vegetau, era utilizacion controlada deth huec se classifique enes modalitats següentes:

- Nivèu 1: Huecs de dimensions redusides
- Nivèu 2: Huecs de dimensions mejanes
- Nivèu 3: Cremades prescrites (cremades controlades)
- Nivèu 4: Cremades prescrites (cremades controlades) en sectors afectadi peth Plan Estrategic.
- Nivèu 5: Emplec deth huec tecnic en incendis de vegetacion.

Capítol 3

Nivèus 1 e 2: Huecs de dimensions redusides e mejanes

Article 8. Autorizacions, contròtle e vigilància

CVE-DOGC-A-23236004-2023

Es nivèus 1 e 2 se classifiquen en huecs de dimensions reduïdes e mejanes. Es dus tipus an coma fin cremar rèstes vegetaus mòrtes, provenentes der encastre agrícola, silvicolà o dera jardineria.

8.1. En quinsevolhe des tres periòdes, baish, mejan e naut:

a) S'autorizen es següentes activitats sense procediment administratiu, a on era persona sollicitaira aurà de presentar ua declaracion responsabla d'activitat enes servicis de Miei Ambient.

- Huecs de dimensions reduïdes.

- Utilizar bohaders o similars en òbres realizades en via de comunicacion que traùessen terrenes forestaus.

b) Cau autorizacion exprèssa e excepcionau deth conselhèr competent en matèria de Miei Ambient, damb er informe preliminar des Agents de Miei Ambient deth Conselh Generau d'Aran entà realizar:

- Huecs de dimensions mejanes, definides coma piles de materiau vegetau mòrt (rèstes vegetaus), rastolhs... damb continuïtat e en tot auer un volum superior de 6 m³.

- Lançament de coets, glòbes, huecs artificiaus o d'alti artefactes que contenguen huec.

c) Es Agents de Miei Ambient pòden determinar coma executar es tipus de huecs o activitats que poguen èster era causa der inici d'un huec, atau coma establir in situ mesures complementàries entà garantir era seguretat, o arturar es accions qu'amien a tèrme quan es condicions meteorologiquas atau ac aconselhen.

8.2. Eth departament competent en matèria de Miei Ambient deth Conselh Generau d'Aran, tanlèu qu'age coneishença de bèth huec, damb declaracion responsabla o autorizacion, comunicarà ara SC Aran era realizacion d'aguest, damb detalh deth tipe de huec, dates e localizacion.

En cas que quauqua cremada derive en incendi que precise era preséncia deth Còs de Pompièrs d'Aran entath sòn contròtle o escandiment, era autoritat requè sus aguesta organizacion.

Capítol 4

Nivèu 3. Cremades prescrites (cremades controlades)

Article 9. Procediment tàs cremades prescrites (crèmes controlades) en sectors non afectadi peth Plan Estrategic.

9.1 Entà evitar huecs que poguen afectar es masses forestaus e nuclèus abitadi, e d'acòrd damb çò qu'establisson es punts següents, se pòden realizar crèmes prescrites (controlades) enes zònes de peishius de nauta montanha dera Val d'Aran, terrenes forestaus e sòs non urbanizables, tostemp damb autorizacion, que se sollicite e s'autrege, damb er informe preliminar deth/dera tecnic/a competent/a deth Conselh Generau d'Aran, peth conselhèr competent en matèria de Miei Ambient, e de conformitat damb era Orde de 21 de junh de 1993, sus cremades controlades enes zònes de nauta montanha.

Era promocion de dita activitat cor a cargue deth titular deth terren, en tot especificar era zòna a cremar e er objectiu, e damb anticipacion sufisenta coma entà establir toti es mecanismes de coordinacion. Tanben pòden èster promotors es mejans deth Còs de Pompièrs d'Aran o es Servicis de Miei Ambient deth Conselh Generau d'Aran, en aguest cas ei de besonh era conformitat deth titular deth terren.

9.2. Entà amiar a tèrme es cremades controlades en sectors o espacis non definidi en Plan Estrategic, cau:

a) Era execucion dera cremada prescrita se pòt realizar mentre se complisquen totes es condicions que contengue eth Plan de Cremada que s'a redigit abans d'iniciar era accion. Eth nomenat Plan de Cremada demore definit en Article 9 deth Decrèt 312/2006.

b) Cau designar ua persona responsabla (director dera cremada prescrita) entà qu'aguesta cremada se hèsque d'acòrd damb es previsiones contengudes en Plan corresponent e cau que velhe pera seguretat deth personau.

c) En aguesti casi, ei de besonh qu'era persona responsabla dispòse deth títol academic competent o a d'auer superat era formacion especifica d'execucion e direccion de huec tecnic que se determine. Entath personau d'execucion son abilitadi tad aguesta foncion tanben aqueri membres deth Còs de Pompièrs dera Generalitat qu'agen superat era formacion especifica d'execucion e direccion de huec tecnic impartit pera Escòla de

CVE-DOGC-A-23236004-2023

Pompiers e Seguretat Civil de Catalonha e era d'aqueres persones qu'agen superat eth procès de formacion o abilitacion que gesque dera aplicacion d'aguest reglament.

9.3. Ena realizacion des cremades prescrites (controlades), cau dar avís preliminar ath Centre d'Emergències de Pompiers (SCAran). En cas de colaboracion, ena cremada de personau deth Còs de Pompiers d'Aran, aguest pòt supervisar era bona execucion d'aguestes activitats, atau coma establir "in situ" mesures complementàries entà garantir era seguretat, o arturar es accions qu'amien a tèrme quan es condicions meteorologiques atau ac aconselhen.

Capítol 5

Nivèu 4 Cremades prescrites (cremades controlades)

Es sectors afectadi peth Plan Estrategic.

Article 10. Procediment cremades prescrites (cremades controlades) enes sectors afectadi peth Plan Estrategic.

10.1. Era realizacion d'ua cremada en un sector afectat peth Plan Estrategic, simplifique tota era tramitacion administrativa e era documentacion tecnica de besonh, pr'amor que ja son coneishudi entà cada sector de gestion, mejançant ua ficha operativa, es paramètres de Cabau Ecologic deth Huec (CEF) a trauès de variables coma era capacitat, era potència, eth comportament, era estacionalitat, era recurrència e es hièstres marcs d'accion. Tanben son preidentificadi aspèctes claus a nivèu operatiu com son es èishi de confinament, es vulnerabilitats, e es elements entà considerar entara prenuda de decisions.

10.2. Se realizaràn d'acòrd damb es següents procediments:

I. Promoigudes per particulars, entitats e administracions locals.

a) Hèr-la damb mejans pròpris o concertadi: complir es condicions exposades en article 6 d'aguest reglament, ath delà d'auer redactat un Plan de Cremada, en tot nomenar eth Director dera madeisha, en tot basar-se en Plan Estrategic aprovat.

b) Hèr-ne peticion de realizacion en tot emplegar mejans des servicis de Miei Ambient/o Pompiers: s'ajustarà as condicions establides coma se se tractèsse d'ua accion promoiguda per aguesti servicis. Aguestes cremades non requerissen d'autorizacion preliminar en èster executades pes servicis publics.

Era participacion d'aguesti servicis pòt originar eth crubament d'acòrd damb er article 22 d'aguest reglament.

II. Promoigudes pes servicis de Miei Ambient o Pompiers d'Aran: Mantier coma guida d'accion es condicions exposades en article 9. Aguestes cremades non requerissen d'autorizacion preliminar en èster executades pes servicis publics.

Capítol 6

Nivèu 5. Emplec deth huec tecnic en incendis de vegetacion

Article 11. Comandament en un incendi

D'acòrd damb era terminologia emplegada peth plan INFOCAT correspon ath Còs de Pompiers d'Aran comandar ath Grop d'Intervencion qu'ei eth conjunt de persones que s'encarguen basicaments der escandiment der incendi e coordinar es accions des auti membres en lòc dera emergència a trauès deth sòn coordinador operatiu o cap d'intervencion.

Exceptat des casi en qué se realizen evacuacions, per motius de seguretat, cap persona que non apartengue ath Grop d'intervencion se pòt desplaçar pera zòna afectada pera emergència, mentre un incendi sigue actiu sense era autorizacion exprèssa deth comandament deth Còs de Pompiers d'Aran en foncion deth cap d'intervencion der incendi e tostemp cau qu'er accés se hèsque pes rotes qu'establisque aguest.

Article 12. Eplec deth huec en casi d'incendi de vegetacion

En casi d'incendi de vegetacion, eth Còs de Pompièrs d'Aran pòt hèr usatge deth huec coma mejan entà estabilizar, amortar, redirigir, confinar o disminuir era intensitat der incendi.

Aguest usatge implique, mejançant era utilizacion des diuèrsi tipus de cremades d'aishamplament o contrahuecs, era cremada des zònes que, damb ua prevision normau, pòden èster consumides per incendi.

Atau madeish, son abiletats entad eplec d'aguestes tecnicas en Aran, aqueri membres apertenenti as unitats GRAF deth Còs de Pompièrs dera Generalitat, e aqueri d'auti còssi d'escandiment tostemp qu'existisque un convèni de collaboracion damb eth Còs de Pompièrs d'Aran.

Es manòbres e era intervencion de d'auti còssi an d'èster autorizades peth comandament deth Còs de Pompièrs d'Aran damb es foncions de Cap d'Intervencion der incendi.

Article 13. Incendi de vegetacion localizat en un sector afectat peth Plan Estrategic

Independentaments dera causa e/o origina der incendi, s'aguest afècte ua zòna includida en Plan Estrategic, a decision deth Cap deth grop d'intervencion, pòt passar a gestionar-se coma ua cremada prescrita que sigue part dera preplanificacion dera emergéncia. Açò prevé qu'es condicions dera hièstra d'oportunitat són compatibles damb es critèris fixadi ena prescripcion, e en generau, s'era casuistica ei coerenta en arbe de decisions prepausades en document deth Plan Estrategic.

Era SCARAN comunicarà ath Departament de Mieï Ambient deth Conselh Generau d'Aran, entitats propietàries e/o municipi/s afectat/di ena sua actuacion en un incendi de vegetacion.

Capítol 7

Abilitacions, accions de vigilància e competéncias

Article 14. Manòbres de huec tecnic en cremades prescrites e en incendis

En cremades prescrites, ei de besonh qu'es manòbres de huec tecnic siguen executades jos monitorizacion des condicions meteorologiques deth moment dera execucion e des dues ores posteriores. Correspon ath Director dera cremada e/o ath Còs de Pompièrs d'Aran definir era hièstra de prescripcion tad aguestes accions o en cada incendi en concrèt.

S'es condicions de cremada non se complissen o ben, eth director deth plan considèrè qu'es actuaus non son adaptades entara realizacion o era continuacion dera cremada o non se pòden pas arténher es objectius definidi en Plan de Cremada, era intervencion cau que finalize. Correspon ath director deth plan er establiment des equipes de resèrva qu'asseguren er amortament e propagacion deth huec.

En incendis, era execucion des manòbres damb huec tecnic cau que sigue dirigida e amiada a tèrme per personas membres deth Còs de Pompièrs d'Aran e d'autres agéncies abilitades o qu'agen superat eth periòde de formacion establít damb aguest objectiu e jos era direccion deth Cap d'Intervencion.

Article 15. Accions en matèria de limitacions e vigilància vinculada ara prevencion d'incendis. Mesures extraordinàries.

Eth Conselh Generau d'Aran pòt realizar ua analisi periodica des condicions de perill d'incendis forestaus, e en foncion d'aguesta establir es procediments operatius qu'afècten as agents de Mieï Ambient, en matèria de vigilància e limitacions de movements, e/o ath Còs de Pompièrs d'Aran per çò qu'ei ara mobilizacion des sues dotacions.

Atau, entre d'autres, quan es circumstàncies meteorologiques siguen extrèmes e de naut risc, coma son es dera èrba sèca des mesi de deseme, en gèr e en hereuèr quan non i a nhèu, episòdis de vent o ondades de calor, eth Conselh Generau d'Aran pòt establir ues mesures extraordinàries

CVE-DOGC-A-23236004-2023

Aguesta analisi pòt comportar era proibicion o restriccion de determinades activitats susceptibles de provocar incendis forestaus, coma ara, era possibilitat d'alugar quinsevolh tipe que sigue de huec, incluidada era utilizacion de fogons de gas, humar en terrens forestaus, realizacion d'activitats esportives en miei naturau, de trabalhs forestaus o d'activitats agricòles e er usatge de barbacoas enes airaus de léser existent, en tot poder enclús, restringir, totau o parciauments, er accés ath miei naturau d'acòrd damb era ordenança reguladora der accés motorizat ath miei naturau en territori de la Val d'Aran.

Article 16. Itinerari formatiu e abilitacions

16.1. Correspon ath Còs de Pompièrs d'Aran era creacion d'un itinerari formatiu qu'abilite en exercici deth huec tecnic e enes bases d'analisi d'incendis as diuèrsi integrants des equipas d'escandiment e/o cremades prescrites afectades per aquest reglament.

Correspon ath madeish Còs, era possibilitat d'organizacion de jornades formatives o divulgatives que tracten sus er emplec deth huec tecnic, prevencions e beneficis dedicadi a usatgèrs deth huec, en miei naturau o ciutadanetat en generau.

16.2. Se faculte ad aquest Còs era gestion e explotacion d'aguesta formacion exercida damb mejans pròpris o concertadi damb er ISPC, ETEVA o d'alti centres formatius, en tot èster era encargada tanben de tramitar toti es procèssi d'abilitacions a diferenti grops publics o privadi qu'opèren en aquest encastre en Aran.

16.3. Atau madeish correspon ad aquest Còs era capacitat d'encomanar a entitats collaboradores degudaments acreditades er exercici de foncions d'execucion des cremades prescrites, plans de cremada e informes restacadi. Aquestes entitats collaboradores an d'èster degudaments abilitades peth Conselh Generau d'Aran d'acòrd damb çò que s'establirà reglamentàriament. Atau madeish, eth personau tecnic des entitats mencionades an de disposar des oportunes abilitacions.

Article 17. Monitorizacion des resultats e incidències deth Plan Estrategic.

Correspon a Pompièrs Emergències, SL e/o ath Conselh Generau d'Aran, era creacion de projectes de seguiment deth plan strategic damb equipas de trabalh transdisciplinaries, entà crear e compartir objectius comuns a nivèu de coneishença entre eth mon dera gestion, era comunitat scientifica e dera operativa d'emergències.

Atau madeish correspon ad aquestes organizacions era capacitat d'encomanar a personas o entitats que demòstren era sua expertesa en aquestes matèries en exercici d'aquestes foncions de monitorizacion.

Article 18. Desplegament normatiu

S'autorize ath Departament de Miei Ambient deth Conselh Generau d'Aran e ath Còs de Pompièrs d'Aran, a desplegar protocòls e circularas de cadua des accions d'aquest Reglament.

Capítol 8

Emplec deth huec en airaus de léser plaçadi ena Val d'Aran

Article 19. Emplec deth huec enes airaus de léser plaçadi ena Val d'Aran

19.1. Es airaus e es barbacoas, publiques e privades, se regiràn pera nòrma aplicabla, ei a díder, era Orde de 17 de març de 1987, sus airaus forestaus recreatius e eth Decrèt 64/1995, de 7 de març, que s'establiessen mesures de prevencion d'incendis forestaus.

19.2. Es airaus de léser publics e refugis plaçadi ena Val d'Aran, excluides dera proibicion generica de hèr huec der art. 6 d'aquest reglament se fixen en Annèx 1.

19.3. Eth bastiment de barbacoas d'òbra a de complir ua nòrma, e cau netejar era vegetacion baisha e arbustiva, d'arbes e de rèstes vegetaus o de quinsevolh materiau que pogue propagar eth huec, en un cercle de cinc (5) mètres de radi ath torn dera barbacoa. Entre d'autes condicions se compliràn:

CVE-DOGC-A-23236004-2023

- a) Es terrenes ath torn dera barbacoa asseguraràn era impossibilitat d'ignicion d'aguestes. Entre es possibles alternatiues se tròben era der acabament d'aguestes damb lòses de pèira naturau, grava o similara.
- b) Es barbacoes an d'anar provedides d'un sistèma amòrtabues metallic, consistent en ua plancha metallica damb horats de diàmetre inferior a sèt (7) mm e separadi a ua distància similara.
- c) Era nautada der amòrtabues serà d'aproximativaments un (1) mètre, en foncion dera intensitat deth vent dera zòna, o ben, anarà installat ath dessús dera humeneja.
- d) Ei condicion indispensable disposar d'aigua apròp des barbacoes, entà amortar es petiti incendis e es brases dempús deth sòn usatge, atau coma disposar de grasilhes metalliques e inclinables entà facilitar-ne era neteja, e preferentaments disposar de paravents.
- e) Es barbacoes an d'èster barrades pes tres costats per un muret damb forma d'U, entà protegir-les deth vent.

Capítol 9

Caractèr non indemnizable des cremades prescrites, infraccions, sancions e taxes

Article 20. Caractèr non indemnizable des cremades prescrites

20.1. Es cremades prescrites de combustible vegetau realizat d'acòrd damb aquerò que prevé aguesta nòrma e aquerò qu'establisque eth Plan de cremada de gestion corresponenta, non daràn dret a indemnizacion, sense perjudici dera aplicacion dera nòrma reguladora dera responsabilitat patrimoniau quan correspone.

20.2. Ei proïbit eth pasturatge e eth profitament pagés de tota era zòna cremada pendent un periòde de cinc (5) ans, a excepcion des casi en qu'es cremades controlades s'agen realizat en tot seguir es especificacions d'aguest Reglament.

Article 21. Incompliments. Infraccions e sancions

Es cremades sense autorizacion, o era execucion d'aqueres autorizadas sense complir es condicions e proïbicions indicades en aguest Reglament o en que figuren ena autorizacion, o quan non s'adòpten immediataments es mesures ordenades pes membres Agents de Mieï Ambient o deth Còs de Pompièrs d'Aran presents en lòc dera cremada, motive era anulacion dera autorizacion e, se cau, era presentacion dera denúncia corresponenta.

D'acòrd damb aquerò que dispòse eth Decrèt 64/95, de 7 de març, er incompliment d'aguesta nòrma serà sancionada de conformitat damb aquerò qu'establís era nòrma forestau, e eth procediment se tramitarà deuant d'aguest Conselh Generau d'Aran.

Article 22. Taxes

En aqueres activitats que, promoigudes per particulars o entitats locals, se sollicite o sigue de besonh era presència des servicis d'agents de Mieï Ambient o dotacions deth Còs de Pompièrs d'Aran, les serà d'aplicacion eth crubament des corresponents taxes, totemp qu'aguestes siguen previstes ena oportuna Ordenança fiscau deth Conselh Generau d'Aran.

Disposicion Derogatòria

Aguest reglament abolís e substituís eth Reglament entara prevencion d'incendis forestaus e entar emplec des airus de léser ena Val d'Aran (BOP, num. 33, de 6 de març de 2007).

Disposicion Finau

CVE-DOGC-A-23236004-2023

Aguest Reglament entrarà eth vigor a londeman dera sua publicacion en BOP, d'acòrd damb aquerò previst enes articles 65.2 e 70.2 dera Lei 7/1985, de 2 d'abriu, reguladora des bases de regim locau.

Annèx 1

Airaus de léser

1. Aiguamòg, propietat de Salardú e Tredós
2. Montanheta, propietat de Salardú e Tredós
3. Prat de Ponin, propietat d'Arties
4. Costassa, propietat de Betren
5. Conangles, propietat de Vielha
6. Plan Batalhèr, propietat d'Aubèrt, Betlan, Vilac e Gausac
7. Salient, propietat de Vilac
8. Montcorbau, propietat de Montcorbau
9. Sant Miquèu, propietat de Vilamòs
10. Bassa d'Arres, propietat d'Arres
11. Cuveishic, propietat d'Arròs e Vila
12. Palanca deth Planhòt, propietat d'Es Bòrdes, Benós e Begòs
13. Plan dera Artiga, propietat de Vielha
14. Gèles - Santet de Gausac, propietat de Gausac
15. Portilhon, propietat de Bossòst
16. Bodigues, propietat de Les
17. Guardader de Les, propietat de Les''

Vielha, 22 d'agost de 2023

Maria Vergés Pérez

Sindica d'Aran

(23.236.004)